

廣昌縣志目錄

首卷

詔旨

卷一

輿地志

疆域總圖

四鄉分圖

疆域說

晷度

分野

星宿圖

諸山

諸川

形隘

風俗

物產

十二景圖

卷二

建置沿革表

古城考

卷三

職官表

知縣

教諭

訓導

典史

驛丞裁

武職

宦蹟考

卷四

選舉表

進士

舉人

貢生

武進士

武舉

本籍文職

本籍武職

飲賓

高年

里老

吏政畧

官制

俸廉

解署圖

吏額

卷六

戶政畧

地糧

丁糧

課稅

積儲倉廩圖

賑恤

鹽法

卷七

禮政畧

祀典

壇圖

學校

學宮圖書籍

學宮

師儒

祭器樂器

書院

義學圖

卷八

兵政畧

營制

兵額

俸餉

汛地

城池

圖城

邊牆

圖

墩鋪

遞傳

夫馬

隸役

卷九

刑政畧

衣糧柴薪

監獄

林卒

卷十

工政畧

卷十一

前事錄

大政

兵事

災沴

物異

雜識

卷十二

金石錄

卷十三

古蹟錄

臺苑

墳墓

營壘

寺觀

卷十四

列傳

通儒

篤行

忠節

循良

文士

隱逸

列女

末卷

襍傳

釋

道

方伎

廣昌縣志卷十一

前事錄

大政

順治十三年 總督張具

題

部覆奉

旨蠲免無主荒地一百二十四頃九十六畝八分四厘四絲

康熙二十三年 巡撫穆准知縣杜登春詳革除礦

害奉

旨永行停止勒石縣堂前

知縣杜登春請停礦役作有引舊載明撫霍公諱

鵬者目擊礦監害民力不得請徒咏一詩付之感
歎登春蒞任每月奉文稽察一次官民交困未及
三月泣陳當事請

諭旨永停開礦爰依元韻以志今昔事勢之不侔云爾

不知何處是銅山屢下徵書邊塞間一遇雙藤陳
大弊數同單騎撤重關蓮花力作今朝歇土竈平
夷比戶閒手勒

聖恩牌版麗庭槐永護石花斑

明巡撫涇縣霍鵬目擊礦監害民有感原詩幾道

烟籠白石山雕窩木井廣昌間縣城正壓飛狐岌
驛路斜通倒馬關詔出金門中使急疏開銀洞幾
家閒爲愁罷磧書徒上一夜西風兩鬢斑

二十七年九月內奉

恩詔全免二十八年分地丁錢糧

二十九年正月 巡撫葉

題奉

諭旨親臨賑濟又

題請開例捐納奉

旨自七月初一日至年終止收貯米五千石備荒詳見戶政

畧賑濟

雍正四年知縣李漢詳明 上憲所有額編徭銀不
拘等則按照現丁均勻攤納除丁倒累戶戶倒累
甲之舊俗士民稱便

雍正十二年 總督李

疏請以山西之廣昌縣改歸直隸易州管轄

乾隆四年 總督孫嘉淦

題定丁銀攤入地糧徵收

兵事

漢 年酈食其說高祖距飛狐之口拒白馬之津

漢文帝後六年匈奴入上郡雲中以令免爲車騎將軍屯飛狐

東漢建武十二年詔王霸與杜茂治飛狐道築起亭障自代至平城三百餘里

唐建中朝朱泚之變西平忠武王李晟聞德宗幸奉天引兵出飛狐道晝夜兼行以赴國難

唐孔甯中李克用討燕將劉仁恭於木瓜澗澗在縣東南

宋太尉楊業因奸臣王侁逼與契丹戰援兵不進業與子延玉敗於狼牙口

廣昌縣志 卷一 三
宋時高陽關副都部署楊延昭屯兵於縣西南有挿
箭嶺馬跑泉夾馬驪甲等石遺蹟延昭本名延朗
知勇善攻號令嚴明與士卒同甘苦遇敵必身先
克捷則推功於下故人樂爲用在邊二十餘年契
丹憚之目爲楊六郎

明嘉靖癸丑秋北邊入雲中抵廣昌永安堡總督蘇
晟提軍八千登城督戰破敵北歸城堡保全

見蘇公祠

堂記

木城把總周玉隨叅將馮登興總督蘇晟在劉家嘴

破寇斬獲首級無算

舊志

災沴

明嘉靖二十五年大風 三十六年五月大雨 四
十一年大饑

隆慶元年秋七月大雨雹 五年秋九月慧星見

萬曆四年秋大水 九年夏四月地震 十二年大

旱秋禾未成 十三年正月大雨雹地震 十九

年冬十月天鼓鳴 二十三年五月大冰雹 二

十八年大霜 二十九年霜傷稼 三十二年大

旱 三十五年淫雨四十日禾頭生耳壞民舍無

算 三十八年夏四月不雨大饑 三十九年大

水壤民廬城垣 四十年春夏旱七月乃雨民饑
冬十一月地震有聲如雷 四十四年正月天鼓
鳴 四十六年秋九月晦地震 四十七年春大
風晝暝 夏五月雨壤民廬舍

天啟六年六月初五日丑時地大震其聲如雷至天
明連震十餘次百日方息鬼魅作祟祈禱不敢廢
於室

崇禎元年春夏旱中伏始雨 秋七月朔風烈傷禾
八月隕霜殺稼 三年雨雹害稼 四年夏四月
旱 五月淫雨風甚 十二年春大風晝晦

國朝順治四年蝗不爲災 十六年蝗化蜻蛉 九年冬大

雪 十年六月大雨 九月大雪 十年九月地

震 五年四月隕霜 十六年春大雪

康熙三年夏霜慧星見 十年夏大旱秋大雨冬大

雪 十二年九月九日地震二次有聲 十七年

八月初五日大風 十八年七月二十七日地震

大旱 二十年夏大旱 二十二年十月初五日

地震 二十三年四月大風傷稼 二十八年大

旱 夏秋無收 二十九年正月 巡撫葉 題

奉

諭旨親臨賑濟 三月大風刮黍種無收六月 布政司

布親臨接賑一年兩淮縣請緩徵上半年錢糧免撥

兩餉至九月十一日開徵 三十六年荒奉

詔積穀賑濟 四十四年蝗不爲災 五十五年旱 五十

九年六十年六十一年歉收

雍正四年大雨雹

乾隆二年大水淹沒科房冊籍糜爛 十年七月二

十八日隕霜禾歉收 二十年七月隕霜歉收

二十三年隕霜秋歉收

嘉慶六年大水冲沙壓民田地三百餘頃

道光六月大水冲没白石口村廬舍人民無算
十四年八月十四日大風傷稼 二十二年八月
雨雹 二十九年七月雨雹 三十年七月雨雹
咸豐十一年五月至九月夜間平地有光厯亂騰起
如火毬

同治元年七月疫 四年六月雨雹 十年七月二
十七至八月初四日大雨 十一年六月二十八
至七月初二日大雨壞廬舍無算

物異

縣東北十里野狐山相傳有狐食松子成仙飛去